

Nix wia noa zom Baggrsee

Isch' doa wer em Sommr uf dr Suche noach 'ra siaßa Krott
Weil er em Frühjoahr merkt - alloi sei' isch' fei Schrott
Der kaufd a' Badegarnidur und a' Laufband zwecks Figur
Schluss mit Saufa, älldaag laufa gega di' Fettschdadur...
Wer no' wissa mehd, wo so a' Subbrweib zom Fenda ischd
Bevor bei ehm dui' Libido erlischd
Wer dann suachd ond nix passiert, dem sag i' fei oagenierd
Suchsch' du noach 'ma Schadzamoggl, nix wia noa zom Baggrsee!

Er suchd rom ond nom ond em Karree - leiht sich a' rodes Coupe
Er hod koin rechda Plao' und fahrd weiß Gott wo noah
Abends landed 'r em Wald, di' Emotiona werrad affakald
Dr Ramazotti sengd, wo dr Hammr hängd, er weiß net, ob des was
brend
Er schwäzdz mit de Schdernla - kuscheld mit de Schdadtladernla
Plötzlich bemmeld's, 's muaß sei' Handy sei'
Joa a' Message klidzeklei' ond scho' falld's em siadig heiß ei'
Suchsch' du noach 'ma Schadzamoggl, nix wia noa zom Baggrsee!

Ond em Wendr?

Suchsch' du noach 'ma Schadzamoggl, nix wia noa zom Internet-Cafe!